



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Exercitiorum Corporalium.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

24. in Epist. ad. Hebr. Unicuique virtuti mensem tribuendum censuit. *Hoc mense, ait, patientiam discamus, alio aliam virtutem.* 3. Si verò mense uno vitium minimè exstirpatum sit, aut virtus nondum acquisita, pergendum est, donec virtus integrè possideatur; & vitium funditus eradicetur; ita ut ne semel quidem notabili tempore labi contingat: nam licet ad breve tempus non sentiantur inordinati pravorum habituum impetus; id indicium non est, nos iis carere, verùm tunc conjectura erit, exstirpatos esse, si longo tempore, in frequentibus occasionibus & difficultibus, non erumpant. Finio hæc præclarâ S. Bernardi sententiâ Serm. 58. in Cant. *Credite mihi, vitia amputata repullulant, & effugata redeunt & reaccenduntur extincta, & sopita denuò excitantur. Parum ergò est semel putasse, sæpe putandum est, imò si fieri potest, semper.*

HORA I.

INSTRUCTIO.

De exercitiis corporalibus.

I. **U**T exercitia corporis (quæ S. Pater noster omnibus communiter con-

venire iudicat, eò quòd & corpus & spiritum adjuvent) rite peragas, præmittenda est pia intentio, dicendo v. g. quoties manum movero, toties te Deum meum, amare, laudare & glorificare desidero. Possunt quoque plures intentiones conjungi, & motiva diversarum virtutum, humilitatis, obedientiæ, charitatis, zeli, pro conversione animarum, pro solatio fidelium defunctorum: sic Deo gratius opus erit.

II. Sub ipso labore, opere, itinere, pia aliqua consideratio, vel affectus elici potest. Ita P. Lancicius ad passus suos dicebat *propter te Domine*. Idem docet S. Bernardus: *sicut laborantibus manibus, oculus propterea non clauditur, nec auris abstinet auditu, ita multò melius, laborante corpore, mens quoque ipsa suo intenta sit operi, ut non vacet*. Egregiè id præstitit, B. Aloysius L. 2. vitæ. c. 7. Fratribus, tanquam Christo & Apostolis in triclinio serviens.

III. Exercitia hæc externa, cum magna modestia, diligentia, alacritate & accurate obanda sunt. Sic hortatur S. Basil. de renunt. sæc. *assignato tibi ministerio, cum modestia fungitor, sedulitatèq; perinde ac si*
Chri-

Christo ipsi ministrare: maledictus enim, qui facit opus Dei negligenter. Deniq; peracto opere labores & sudores, cū fatigationibus & laboribus Christi Deo Patri offerendi.

IV. Exercitationes hæ promptè subeundæ, quia sunt radices variarum virtutum.

1. Humilitatis. Hinc S. Bernardus inter 4. Humilitatis media ponit vilitatem operis. Et S. Bonaventura in spec. p. 2. cap. 6. *Quoniam inquit, ad humilitatem humiliatio via est, non erubescant Religiosi humilia, nec humilitatis officia respuant.* 2. Obedientiæ. 3. Charitatis Dei & proximi ac misericordiæ corporalis, quales sunt ministeria in culina & refectorio. Item in horto fodere, serere, lolium eradicare, ut fructibus inde enatis servi Dei ad obsequium divinū alantur. 4. Multorū meritorū sunt scaturigines. S. Fundator noster de quodam Fratere nostro Antonio nomine edixit: *Quot ponebat lateres in muro, quoties eos tunde-
bat suo malleo, quoties calcem apponebat, tot sibi parabat coronas in cælo.* P. Balthasar Alvarez cap. 7. vite, agebat: *proximorum necessitates reputandas tanquam ditissimas aurifodinas, ex quibus anima propria dite-*

ofant. S. Arsenius rogatus in quo maxime confideret, Respondit, *in eo, quod homines fugi, quod tacui, quod fleui, at in eo potissimum, quod manibus laboravi.* Fratrum nostrorum quidam Simon opificio mura-rius Italus à morte apparuit P. Petro Scar-gæ Vilnensis Collegii Reçtori totus splen-didus, sed manibus longè splendidioribus, cujus causam esse dixit labores in officio suo propter Deum susceptos.

V. Exempla Sanctorū ad hæc exercitia corporalia nos quoq; excitare possunt. I. Christi Domini, qui ut colligitur ex Matth. 13. v. 55. & Marci 6. v. 3. Artem fabri-lem cum S. Josepho exercere dignatus est. Fabrum lignarium fuisse asserunt Textus Arabicus, S. Justinus, S. Chryso-stomus, S. Thomas, Abulensis, Lyranus, Maldona-tus, Cornelius &c. Fabrum verò ferrariū extitisse S. Hilarius, S. Ambrosius, S. An-selmus & Beda sustinent. — B. Virginem laborasse Christus testatus est S. Brigitte c. 23. regulæ. Laborarunt Apostoli, Pe-trus, Joannes, Jacobus piscatoriam, S. Pau-lus scenofactoriã artem exercentes. *Labo-ramus operantes manibus nostris. I. Cor. 4.*

Atque ut taceam S. Ludovicum Galliarum Regem, SS. Crispinum & Crispinianum, S. Martinum, S. Malachiam, aliosque innumeros sanctitate & dignitate illustres. E Societate nostra S. F. Borgias vilissima munia obire sibi honori duxit. L. 4. vitæ c. 1. Similiter B. Aloysius. Joannes Nunnus Æthiopiæ Patriarcha, S. Xaverius, Frater noster Franciscus Cordubensis Ducis Cardonæ Filius, non solum Novitius sed & studiis invigilans vilissimis culinæ ministeriis delectabatur. In vita P. Alvarez c. 30. Idem præstitit R. P. Mauritius de Büren, Domus Geistæ, & Buranæ Fundator, coco humillimè serviens & artem libros compingendi Treviris in Novitiatu addiscens, qui Anno 1661. 7. Novembris Geistæ in eo, quo isthæc exaro, cubiculo, relicto virtutum odore suavissimo, piissimè decessit. *Ut habet vita m. s. L. 1. c. 15.*

VI. Imitare exempla hæc. Indies se occasiones offerunt in triclinio, culina, cubiculo, tertio saltem quoque die scopis mundando. Quod P. Claudius interpretatus est esse faciendum, diebus alternis, non numerando dies festos, nec vacationes in Collegiis.